



Pismo predsjednika

Svim članicama BiSaBiH
(*poslato putem maila*)

Mostar; 16.02.2021. godine

Broj: 039-01/21BSBiH

Poštovani biciklistički prijatelji,

Veliko mi je zadovoljstvo da Vas informiram kako Biciklistički savez Bosne i Hercegovine zaključno sa današnjim danom broji **264 licencirane osobe** i to:

- 189 natjecatelja/takmičara u svim dobnim kategorijama
- 34 cikloturistička vodiča
- 30 radnih tijela u BiSaBiH
- 11 sudija/komesara.

Ovim putem želim svim svojim kolegama uputiti iskrene čestitke, te im poželjeti sretnu i uspješnu 2021. sezonu.

Iza nas je godina na koju je utjecala pandemija korona virusa, no pred nama je i dalje velika neizvjesnost kada je u pitanju Covid pandemija i u ovim trenucima kako je teško predvidjeti kako će se ova situacija dalje odvijati i koliko će utjecati na naš sport. No, sigurno je kako je ovaj Upravni odbor započeo sa jako kvalitetnim radom, te se nadam i vjerujem da ćemo ovaj tempo ili kako mi biciklisti volimo kazati "kadencu" uspijeti održavati i u godinama koje su pred nama. Iza nas je 2 mjeseca kako smo održali izbornu Skupštinu u Bihaću i moram istaknuti kako smo u ovo kratko vrijeme napravili zaista neke nevjerojatne stvari.

Pa krenimo redom:

1. Šest novih klubova članica BiSaBiH

- U prvoj stavci, koja i nije ostvarena radom UO, ali imam želju da prije svega predstavim nove kolege i zaželim im dobrodošlicu, te svima nama poželim sretan rad i izvrsnu suranju u ostvarivanju zajedničkih ciljeva na razvoju biciklizma u Bosni i Hercegovini. U 2020 godini smo imali 24 kluba/članice Saveza, danas brojimo 30 članica zahvaljujući našim novim kolegama i to: MTB FORIS Istočno Sarajevo; HBK Drinovci; BK Vučji Zub Trebinje; BBK Sveti Nikolaj; BN Cycling team Bijeljina i BK Brotnjo Čitluk. Dobro nam došli!



Biciklistički savez Bosne i Hercegovine, Adresa: Simeuna Đaka 9, 78000 Banja Luka, Bosna i Hercegovina

Telefon: 063/400-260; 065/511-630; Fax: 051/308-456; Mail: bisabih@blic.net;

JIB: 4403167440004; Žiro račun: 5620998119014275. www.bisabih.ba



2. Plan i program rada Saveza za 2021. godinu

- U 2021 godini smo krenuli ozbiljno, a prvi pokazatelj bio je Plan i program rada Saveza kojeg je sačinio ovaj Upravni odbor. Kroz ovaj Plani i program namjeravamo razvijati biciklizam u BiH, te sa njim namjeravamo aplicirati kod resornih ministarstava za sredstva, a kroz projekte koji promoviraju biciklizam i dižu ga na sasvim jednu novu razinu. Nastavljamo i dalje vrijedno raditi na novim projektima i novim ciljevima ka razvoju biciklizma. Moram kazati kako smo doista puni entuzijazma i uvjereni smo u velike stvari kada je u pitanju biciklizam u Bosni i Hercegovini.

3. Web stranica BiSaBiH

- Na moje osobno zadovoljstvo, a vjerujem i vašu veliku radost donosim vijest kako je u izradi nova i inovativna web stranica Biciklističkog saveza Bosne i Hercegovine, a uskoro će biti dostupna na domeni www.bisabih.ba

Vjerujem kako ćete se složiti da je bilo i krajnje vrijeme da BiSaBiH dobije svoju službenu web stranicu na kojoj će biti dostupne sve informacije svim biciklistima i našim biciklističkim priateljima. Ovdje moram pohvaliti našeg partnera "M-Bike Shop" koji je na sebe preuzeo sve obaveze plaćanja nove web stranice.

Veliko Hvala u ime cijele BiH biciklističke zajednice.

4. Novi Pravilnici i Poslovnici

- Kada sam kazao kako ovaj Upravni odbor čini velike stvari, to sam doista i mislio. Do današnjeg dana smo imali 3 sjednice Upravnog odbora (*računajući i onu u Bihaću*), te bezbroj pisanih konverzacija u cilju razvoja Biciklističkog saveza Bosne i Hercegovine, te postavljanja ove institucije na čvrste i legitimne temelje. Upravni odbor je do današnjeg dana izradio 2 nova Poslovnika i jedan Pravilnik, koji čekaju na usvajanje na nekoj od idućih Skupština. No, upravo u ovim trenucima se pišu i dodatni Pravilnici, tako da vjerujem kako ćemo na idućoj Skupštini imati malo više posla, što će vjerujem doći na zadovoljstvo svih naših članica.

5. Trening kamp za bicikliste u Hercegovini

- Iskreno se nadam kako će ova ideja i projekat zaživjeti i kako ćemo u godinama pred nama stalno održavati slične projekte, gdje će se biciklisti iz cijele Bosne i Hercegovine okupljati prije početka sezone, upoznavati, dijeliti ideje i razmišljanja, te trenirati zajedno po BiH cestama i brdima. Moram priznati da me uvjek smetalo kada vidim kako druge nacije da održavaju trening kampove, dok to kod nas u BiH još nije bilo praksom. Nadam se i vjerujem kako je došlo vrijeme da se i to promjeni. Upravni odbor je za BiH bicikliste u Hercegovini





organizirao trening kamp, a uključivati će radionice sa stručnim tijelima iz BiSaBiH koji će kroz 5 dana educirati bicikliste, kako brdske tako i cestovne, te održavati treninge sa njima po planu i programu. Također, planirano je da jedan dan i održimo predavanje/edukaciju sa **Agencijom za antidoping kontrolu BiH** koja će sve naše bicikliste iz prve ruke educirati o drogama koje srećemo u sportu i svim negativnim posljedicama koje doping nosi sa sobom. Ovaj trening kamp planiran je za drugu polovicu ožujka/marta, a svi klubovi će na svoje mail adrese dobiti uskoro poziv sa svim uputstvima i objašnjenjima.

6. Konferencija BCU i sastanak sa UEC

- Krajem prvog mjeseca ove godine bili smo domaćini Balkanske biciklističke Federacije (*BCU – Balkan Cycling Union*) gdje sam imao čast upoznati se sa nekim zemljama članicama BCU te razviti kako dobre odnose po pitanju daljnje suradnje. Ovoj konferenciji prisustovao je i Generalni sekretar Europske biciklistike Federacije (*UEC – Union Européenne de Cyclisme*), Enrico Della Casa sa kojim smo sklopili izvrsnu osnovu za daljnju suradnju. Bitno je istaknuti kako je na istoj konferenciji naš član Upravnog odbora, Vladimir Kuvalja izabran za predsjednika Balkanske biciklističke Federacije što je zasigurno za BiH još jedan vjetar u leđa. Ovim putem još jednom izražavam čestitke Vladimиру na funkciji predsjednika BCU.

7. Kalendar događaja BiSaBiH

- Znam kako sam ovaj tekst počeo sa riječima da još uvijek traje pandemija korona virusa i kako je pred nama još uvijek neizvjesna sezona, no vidljivo je da ovaj Kalendar ne prati moje riječi i sretan sam zbog toga. Sretan sam jer imamo planiranu čak 21 utrku i to:

- 13 utrka u Cestovnom/Drumskom bicikлизmu i
- 8 utrka u brdskom (MTB) bicikлизmu.

Svjestan sam činjenice da mnogi klubovi još uvijek nemaju odobrena finansijska sredstva od općina i gradova i još uvijek čekaju da zatvore finansijsku strukturu kako bi objavili svoje utrke, tako da će ovaj Kalendar u danima pred nama zasigurno biti uveličan za još koji događaj. Veseli me činjenica da imamo čak 7 UCI utrka u kalendaru, a ne smijem ni zaboraviti "Granfondo UCI World Series" događaj u 5.mjesecu i "UCI World Championships Granfondo" događaj u 9.mjesecu koji se održava zahvaljujući BK "BSK BanjaLuka". Nadalje, ono što mene iskreno veseli jeste da smo ove godine utrke Državnog Prvenstva BiH u Kronometru i Cestovna utrka preselili u Hercegovinu, tako da će domaćin Kronometarske utrke biti BK Mostar, dok će Cestovnu utrku organizirati naš novi član HBK Drinovci. Svim organizatorima želim puno sreće i uspjeha u organizaciji.

Također, želim dodati kako se ovaj Upravni odbor stavlja na raspolaganje svim organizatorima događaja po pitanju bilo kakve podrške u organizaciji biciklističkih događaja.





BICIKLISTIČKI SAVEZ BOSNE I HERCEGOVINE
БИЦИКЛИСТИЧКИ САВЕЗ БОСНЕ И ХЕРЦЕГОВИНЕ

BOSNIA AND HERZEGOVINA CYCLING FEDERATION

Kao vođa ovog biciklističkog sporta, osjećam se dužnim osigurati što bolji sport prema svojim sportašima i kao rezultat toga, sigurno je kako će sportski angažman ovog Upravnog odbora uvijek biti na vrhu našeg dnevnog reda.

Na kraju, još jednom svima Vama sportašima, svim svojim kolegama u Upravnom odboru, kao i radnim tijelima BiSaBiH želim sretnu i uspješnu 2021. sezonom.

Srdačno.

Predsjednik BiSaBiH
Toni Zorić



Biciklistički savez Bosne i Hercegovine, Adresa: Simeuna Đaka 9, 78000 Banja Luka, Bosna i Hercegovina
Telefon: 063/400-260; 065/511-630; Fax: 051/308-456; Mail: bisabih@blic.net;
JIB: 4403167440004; Žiro račun: 5620998119014275. www.bisabih.ba